

COMISIÓN INFORMATIVA ESPECIAL DE CONTAS E DE FACENDA E ECONOMÍA

ACTA da mencionada comisión informativa, correspondente ao día **20 de xaneiro de 2021**

Ás 17.30 horas do día 20 de xaneiro de 2021, reúnese a comisión informativa Especial de Contas e de Facenda e Economía, a través do sistema de videoconferencia (no enlace: <https://call.lifesizecloud.com/6339614> remitido coa convocatoria) coa asistencia dos seguintes deputados e deputadas:

Presidente: D. José Miguel Caride Domínguez, **deputado de DO**

Deputados/as do Grupo Popular:

D. Rosendo Luís Fernández Fernández

D. Plácido Álvarez Dobaño

D. Álvaro José Fernández López

D.^a Consuelo Vispo Seara

D. Miguel Antonio Cid Álvarez

Deputados/as do Grupo Socialista:

D. Aurentino Alonso Araújo

D.^a Elvira Lama Fernández

D.^a Rosario Rodríguez Delgado

Deputado do BNG: D. Bernardo Varela López

Secretario: D. Juan Marquina Fuentes

Interventora: D.^a Begoña Álvarez Matos

Non asiste a **deputada de Ciudadanos-Partido de la Ciudadanía:** D.^a Montserrat Lama Nóvoa.

Seguidamente, iniciouse o tratamento dos asuntos incluídos na orde do día, do xeito que se reflicte a continuación:

1º.- APROBACIÓN DA ACTA DA SESIÓN ANTERIOR, CORRESPONDENTE Á ORDINARIA DO DÍA 9 DE DECEMBRO DE 2020.-

Pola Secretaría Xeral deuse traslado do borrador da acta anterior, correspondente á ordinaria do día 9 de decembro de 2020.

Non se producen intervencións e por unanimidade a comisión adopta o seguinte acordo:

Aprobar a acta da sesión ordinaria da Comisión Informativa Especial de Contas e de Facenda e Economía do día 9 de decembro de 2020, conforme co borrador elaborado pola Secretaría Xeral.

2º.- FIXACIÓN DE PREZOS PÚBLICOS DE PUBLICACIÓN DA DEPUTACIÓN.-

O Sr. secretario explica o contido da proposta.

D.ª Rosario Rodríguez Delgado, do Grupo Socialista, pregunta onde se van imprimir os exemplares dos que se aproba o prezo público.

O Sr. secretario contesta que, en principio, son para ser impresos na imprenta da propia Deputación Provincial.

Non se producen máis intervencións e co voto favorable do Grupo Popular (5), de DO (1) e do BNG (1), e a abstención do Grupo Socialista (3), a comisión ditamina favorablemente a adopción, por parte da Xunta de Goberno, do seguinte acordo:

- Fixar o prezo público das seguintes edicións:

OBRAS	Custo maqueta e impresión	P.V.P proposto
Editar: Reza Rodríguez, José Benito <i>O parque natural Baixa Limia Serra do Xurés</i>	Maqueta e impresión: 8.725,60 €. Número de exemplares: 500 PVP estimado para cada exemplar: 17,45 € PVP final redondeando 17 €	17 € [IVA incluído]
Editar: Portela Vázquez, Alberto: Xavier Prado <i>Lameiro. Legado cultural e social.</i>	Maqueta e impresión: 4.888 €. Número de exemplares: 500 PVP estimado para cada exemplar: 9,776 € PVP final redondeando 10 €	10 € [IVA incluído]

Editar: Pascual Carballo, Alberto <i>Ordenación medieval do mercado auriense.</i>	Maqueta e impresión: 6.110 €. Número de exemplares: 500 PVP estimado para cada exemplar: 11,746 € PVP final redondeando 12 €	12 € [IVA incluído]
Editar: López Sabatel, José Antonio <i>La Ribeira Sacra Orensana durante los siglos XIV y XV: Tierra y campesinado</i>	Diseño e impresión a cargo do orzamento da imprenta provincial + 1.200 € PVP estimado segundo a ordenanza de publicacións art.14.4 para as publicacións realizadas na Imprenta Provincial: libros de 22,5 x 16 con máis de 150 páxinas: 15 €	15 € [IVA incluído]
Editar: Souto Figueroa. M. G. <i>Ourense, terma bimilenaria</i>	Maqueta e impresión: 14.900 €. Número de exemplares: 500 PVP estimado para cada exemplar: 29,80€ PVP final redondeando 29 €	29 € [IVA incluído]
XVII Premio Pura y Dora Vázquez	Maqueta e impresión: 2.906,59 €. Número de exemplares: 600 P.V.P. estimado para cada exemplar:4,80 € P.V.P. final redondeando 5 €	5 € [IVA incluído]

3º.- DELEGACIÓN DO CONCELLO DE MONTEDERRAMO NA DEPUTACIÓN PROVINCIAL DE OURENSE DO EXERCICIO DAS COMPETENCIAS DE XESTIÓN, LIQUIDACIÓN E RECADACIÓN EN VOLUNTARIA E EXECUTIVA E REVISIÓN DE ACTOS DOS ACTOS DITADOS DA TAXA POLO ABASTECIMENTO DO DITO CONCELLO.

Non se producen intervencións e, por unanimidade, a comisión ditamina favorablemente a adopción, por parte do Pleno, do seguinte acordo:

Aceptar a delegación de competencias efectuada polo Concello de Montederramo a favor da Deputación Provincial, mediante acordo plenario de data 30 de novembro de 2020, para a xestión tributaria, liquidación e recadación voluntaria e executiva, así como a revisión dos actos da taxa polo abastecemento de auga domiciliaria nas condicións recollidas no acordo de delegación do Concello de Montederramo, sendo en todo caso de aplicación as seguintes condicións xerais:

- a) O contido da delegación abranguerá o exercicio de todas as facultades necesarias para a realización da xestión tributaria, liquidación e recadación voluntaria e executiva, ditando todos os actos administrativos necesarios para a xestión dos ditos procedementos, incluída a emisión da providencia de constrinximento e resolución dos recursos administrativos contra os actos de recadación executiva.
- b) Para o exercicio da competencia delegada o concello debería remitir as oportunas certificacións da relación de debedores dos últimos catro anos para os efectos de poder iniciar a recadación en executiva, así como, en relación ás débedas anteriores aos últimos catro anos certificación de que as débedas non están prescritas e indicará as diferentes datas de notificación da débeda en executiva, en relación ao tributo ou ingreso de dereito público ao que se refire.
- c) A taxa para satisfacer polo concello pola prestación do servizo de recadación en voluntaria será a resultante de aplicarles ás cantidades efectivamente recadadas de padróns, liquidacións, altas e outros ingresos non periódicos o tipo de gravame único do 5% e a taxa pola prestación do servizo de recadación en período executivo será o 100% da recarga de constrinximento que debe pagar o debedor tributario, conforme co establecido no artigo 6, apartados a) e b) da Ordenanza fiscal reguladora da taxa pola prestación dos servizos de xestión, inspección e recadación da Deputación Provincial de Ourense. A Deputación deducirá da transferencia do importe recadado a cantidade correspondente á taxa liquidada, sen prexuízo da notificación da dita liquidación na forma prevista no artigo 9 da Ordenanza fiscal.
- d) A presente delegación entrará en vigor unha vez aceptada pola Deputación Provincial, publicándose no Boletín Oficial da Provincia e no Diario Oficial de Galicia para xeral coñecemento. A presente delegación estará vixente por un período de catro anos, prorrogándose tacitamente por períodos iguais de catro anos se ningunha das partes manifesta expresamente a súa vontade en contra, comunicándoo á outra cunha antelación non inferior a 6 meses á súa finalización ou á de calquera dos períodos de prórroga.

4º.- DELEGACIÓN DO CONCELLO DA PEROXA NA DEPUTACIÓN PROVINCIAL DO EXERCICIO DAS COMPETENCIAS DE XESTIÓN, LIQUIDACIÓN E

RECADACIÓN EN VOLUNTARIA E EXECUTIVA E REVISIÓN DE ACTOS DE TRIBUTOS E OUTROS INGRESOS DE DEREITO PÚBLICO

Non se producen intervencións e, por unanimidade, a comisión ditamina favorablemente a adopción, por parte do Pleno, do seguinte acordo:

Aceptar a delegación de competencias efectuada polo Concello da Peroxa a favor da Deputación Provincial, mediante acordo plenario de data 20 de novembro de 2020, para a xestión tributaria, liquidación e recadación voluntaria e executiva (ICIO só executiva), así como a revisión dos actos ditados dos seguintes tributos e ingresos de dereito público:

- Imposto de bens inmobles (IBI)
- Imposto sobre vehículos de tracción mecánica (IVTM)
- Imposto sobre actividades económicas (IAE)
- Imposto sobre construcións, instalacións e obras (ICIO) en executiva
- Taxa pola recollida de residuos sólidos urbanos.
- A recadación dos gastos derivados de execucións forzosas, ó abeiro do establecido no artigo 106.3 da Lei 7/1985 de bases de réxime local e o artigo 106.3 da Lei de bases de réxime local,

Todo isto nas condicións recollidas no acordo de delegación do Concello da Peroxa, sendo en todo caso de aplicación as seguintes condicións xerais:

- a) O contido da delegación abranguerá o exercicio de todas as facultades necesarias para a realización da xestión tributaria, liquidación e recadación voluntaria e executiva, ditando todos os actos administrativos necesarios para a xestión dos ditos procedementos, incluída a emisión da providencia de constrinximento e resolución dos recursos administrativos contra os actos de recadación executiva.
- b) Para o exercicio da competencia delegada o concello debería remitir as oportunas certificacións da relación de debedores dos últimos catro anos para os efectos de poder iniciar a recadación en executiva, así como, en relación ás débedas anteriores aos últimos catro anos certificación de que as débedas non están prescritas e indicará as diferentes datas de notificación da débeda en executiva, en relación ao tributo ou ingreso de dereito público ao que se refire.
- c) A taxa para satisfacer polo concello pola prestación do servizo de recadación en voluntaria será a resultante de aplicarilles ás cantidades efectivamente recadadas de padróns, liquidacións, altas e outros ingresos non periódicos o tipo de gravame único do 5% e a taxa pola prestación do servizo de recadación en período executivo será o 100% da recarga de constrinximento que debe pagar o debedor tributario, conforme co establecido no artigo 6, apartados a) e b) da Ordenanza fiscal reguladora da taxa pola

prestación dos servizos de xestión, inspección e recadación da Deputación Provincial de Ourense. A Deputación deducirá da transferencia do importe recadado a cantidade correspondente á taxa liquidada, sen prexuízo da notificación da dita liquidación na forma prevista no artigo 9 da Ordenanza fiscal.

- d) A presente delegación entrará en vigor unha vez aceptada pola Deputación Provincial, publicándose no Boletín Oficial da Provincia e no Diario Oficial de Galicia para xeral coñecemento. A presente delegación estará vixente por un período de catro anos, prorrogándose tacitamente por períodos iguais de catro anos se ningunha das partes manifesta expresamente a súa vontade en contra, comunicándoo á outra cunha antelación non inferior a 6 meses á súa finalización ou á de calquera dos períodos de prórroga.

5º.- MOCIÓN DO GRUPO SOCIALISTA SOBRE A GRATUIDADE DOS APARCAMENTOS PÚBLICOS DO CHUO PARA PACIENTES CON TRATAMENTOS CRÓNICOS OU DE LONGA DURACIÓN.

D.ª Rosario Rodríguez Delgado, do Grupo Socialista, dá lectura ao contido da moción.

D. Bernardo Varela López, do BNG, manifesta concordar coas propostas de acordo da moción e que estas parecen lóxicas, lembrando que recentemente se modificou o contrato de concesión do aparcamento de titularidade provincial cun acordo moi beneficioso para a iniciativa privada.

D. Plácido Álvarez Dobaño, do Grupo Popular, manifesta estar de acordo co fondo da proposta se ben a estudarán con detalle para pronunciarse no pleno. Pídelle ao grupo propoñente que concrete as medidas ou en que consistiría o punto un da proposta para poder fundamentar o seu voto.

D. José Miguel Caride Domínguez, de DO, manifesta que reserva o voto para o Pleno, e di que ten dúbidas sobre como afectaría a datos persoais tan sensibles como os da saúde.

D.ª Rosario Rodríguez Delgado, do Grupo Socialista, manifesta que se trataría en todo caso dunha proposta de carácter voluntario para os interesados.

Non se producen máis intervencións e co voto favorable do Grupo Socialista (3) e do BNG (1) e a abstención do Grupo Popular (5) e de DO (1), a comisión ditamina favorablemente a adopción, por parte do Pleno, do seguinte acordo:

1º.- Que a Deputación de Ourense habilite prazas de aparcamento libres e gratuítas no aparcadoiro da súa titularidade situado na contorna do Complexo Hospitalario Universitario de Ourense (CHUO), destinadas a persoas que estean a recibir tratamentos médicos para enfermidades crónicas ou de longa duración.

2º.- Instar á Xunta de Galicia a que habilite prazas de aparcamento libres e gratuítas no aparcadoiro da súa titularidade situado nos sotos do Hospital Universitario do Complexo Universitario de Ourense (CHUO), destinadas a persoas que estean a recibir tratamentos médicos para enfermidades crónicas ou de longa duración.

6º.- MOCIÓNS DE URXENCIA.- Trala unánime declaración da urxencia, por non figurar na orde do día, tratouse o seguinte asunto:

6ºA.- EXPEDIENTE DE MODIFICACIÓN DOS CRÉDITOS ORZAMENTARIOS DO ORZAMENTO DO EXERCICIO 2021 MEDIANTE A CONCESIÓN DUN CRÉDITO EXTRAORDINARIO E DA MODIFICACIÓN DAS BASES DE EXECUCIÓN DO ORZAMENTO N.º 1/2021.-

O Sr. secretario explica o contido da proposta.

D. Bernardo Varela López, do BNG, entende que este expediente contén dúas cuestións diferentes. Cre que o cambio de finalidade do Concello da Merca é razoable, pero cre que o outro concepto é un préstamo a favor de Meisa. No Pleno de setembro el preguntou cando ía vir a este Pleno o segundo préstamo a favor de Meisa e tardou menos do que el contaba. Ten feito varias preguntas sobre este tema e a resposta que recibiu é que se lle daría traslado a Meisa para que lle respondan. Anuncia que se van abster á espera de que antes da realización do Pleno se lle responsan estas preguntas.

D. Aurentino Alonso Araújo, do Grupo Socialista, di que estamos outra vez inxectando diñeiro público nas arcas de Meisa. Solicitaron un estudo ou un plan de viabilidade, porque eles cren que Manzaneda ten futuro, cando hai neve funciona todo, pero cando non a hai non hai alternativas. Di que eles tamén fixeron preguntas e pediron o acceso a diferentes expedientes e tamén se lles remitiu a Meisa, pero Meisa nunca responde. Anuncia que reservan o voto para o Pleno.

Non se producen máis intervencións e co voto favorable do Grupo Popular (5) e de DO (1) e a abstención do Grupo Socialista (3) e do BNG (1), a comisión ditamina favorablemente a adopción, por parte do Pleno, do seguinte acordo:

1º.- Aprobar inicialmente a modificación de créditos n.º 1/2021 do expediente e das bases de execución, co seguinte detalle:

CRÉDITOS EXTRAORDINARIOS. GASTOS DE INVESTIMENTOS

APLICACIÓN	EXPRESIÓN	IMPORTE
433.00/831.00	Desenvolvemento empresarial. Préstamo a longo prazo	498.349,67 €

RECURSOS UTILIZADOS

Remanente Tesourería. Subconcepto 870.00 para financiar gastos xerais	498.349,64 €
--	---------------------

2º.- Aprobar a modificación, no que se refire á especificación do capítulo VII de gastos, consistente nas seguintes variacións que non afectan cuantitativamente ao orzamento xeral do exercicio 2021:

a) Con cargo á aplicación orzamentaria 450.12/762.01 “Cooperación provincial. A Concellos subvencións” dos orzamentos de 2021, nas bases de execución aparece unha subvención nominativa ao **Concello da Merca** para a “ Reparación en vías municipais” por importe de 35.000 euros.

O Concello da Merca en data 10 de setembro de 2020, con entrada no rexistro electrónico da Deputación o 12 de xaneiro de 2021, informa que no mes de setembro se produciu a rotura dos motores de bombeo na subministración domiciliar de auga no municipio, sen que o Concello poida atender con recursos propios a dita circunstancia excepcional.

Por mor da causa mencionada, acórdase o cambio do obxecto da subvención especificada nas Bases de execución dos orzamentos da Deputación Provincial de Ourense para o exercicio 2021, pasando a denominarse “**Arranxo do bombeo da ETAP de Rubillós no Concello da Merca**”

450.12/762.01 “Cooperación provincial. A Concellos subvencións”

Beneficiario	Finalidade	Importe
Concello da Merca	Arranxo do bombero da ETAP de Rubillós no Concello da Merca	35.000,00 €

3º.- De acordo co artigo 169 da Lei reguladora das facendas locais, por remisión do artigo 177.2 do mesmo texto legal, o expediente será exposto ao público, tras o anuncio no Boletín Oficial da Provincia, por 15 días, durante os cales os interesados poderán examinalo e presentar reclamacións ante o Pleno.

O expediente considerarase definitivamente aprobado se durante o citado prazo non se presentasen reclamacións.

7º.- ROGOS E PREGUNTAS.- Non se realizan.

E, ás 18.00 horas, dáse por finalizada a reunión, redactándose a presente acta que se asinará electronicamente. Dou fe.